

Waa maxay sababta aan u dooneyno in aad saxiixdo foomkan?

Si aan kuula socodsiino sida macluumaadkaaga caafimaadka loo adeegsanayo, loola wadaagayo iyo sida aad ku heli karto. Marka aan kuu fidino daryeelka caafimaadka, wax badan ayaanu kaa ogaaneynaa. Waxyaabaha aan ogaano qaar ayaa ka mid noqonaya diiwaankaaga caafimaadka iyo diiwaanka bixinta kharashka. Si loo ilaaliyo macluumaadkaaga Xarumaha Caafimaadka ee Dugsiyadu waxa ay raacayaan sharciyada gobolka iyo kuwa dawladda dhexe. Ogeysiiska Qarsoodi Ka Dhigista Macluumaadka ayaa si faahfaahsan uga hadlaya sharciyadan.

Yaa arki kara macluumaadka aad nala wadaagto?

1. Marka aad codsato, ADIGA ayaa dib u eegi kara macluumaadka la xiriira daryeelkaaga.
2. Marka aad codsato, WAALIDKAA waxa ay eegi karaan macluumaadka aad la wadaagto Xarunta Caafimaadka ee Dugsiyada ee daryeelkaaga, marka laga reebo qodobada soo socda:
 - a. Haddii ay booqashada xarunta la xiriirtay uur ama xaalad ku saabsan uur, cudurada galmoodka lagu kala qaado, ka hortagga uurka, isticmaalka khamriga iyo maandooriyayaasha.
 - b. Waxa aad xaq u leedahay in aad codsan karto in waalidkaa loo diido in ay ogaadaan macluumaadkaaga caafimaadkaaga. Haddii aadan dooneyn in waalidkaa ogaado wax kasta oo ka mid ah macluumaadkaaga caafimaadkaaga, waa in codsigaaga qoraal ku soo gudbisaa oo aad ku faahfaahisa sababta aadan u dooneyn in waalidkaa u arkaan macluumaadkaaga caafimaadka oo aad saxiixdaa. Xarantu way fulineysaa codsigaaga aad waalidkaa ugu diiday in ay ogaadaan macluumaadkaaga caafimaadka haddii uu dhakhtarkaagu u arko in ay sidaas ku jirto maslaxadaada. Waxa aad ka codsan kartaa shaqaalaha “Foomka Diidmada Waalidka ee Macluumaadka” si aad u codsato.
3. Shaqaalaha Xarunta caafimaadka ee Dugsiga iyo qandaraaslayaasha oo shaqadoodu waajib kaga dhigeysa in ay ogaadaan.
4. Shaqaalaha kale ee caafimaadka marka ay muhim u tahay in ay daryeel caafimaad kuu fidiyaan.
5. Badbaadada Caruurta iyo ciidanka nabadgelyada marka ay arrintu ku saabsan tahay xadgudub/dayac loo geysto caruurta.
6. Hay’adaha degaanka, gobolka, iyo dawladda federaalka ama hay’adaha caafimaadka waxaay soo gudbin karaan macluumaadka oo la soo koobay si loogu isticmaalo tira koobka iyada oo laga saaray dhamaan macluumaadka lagu aqoonsan karo.
7. Waxaa suurogal ah in aan macluumaadkaaga gudbino si loo ilaaliyo caafimaadkaaga iyo amaanka dadka kale.
8. Qareenka iyo shaqaalaha la shaqeeya haddii ay muhim noqoto.
9. Kuwa kale sida lagu caddeeyey Ogeysiiska Qarsoodi Ka Dhigista Macluumaadka, waxaa ka mid ah halka uu sharcigu waajib ka dhigayo, waxaa ka mid ah saraakiisha heysta ogolaasho maxkamadeed, amar xariga ah, ama amar maxkamadeed.

Macluumaadka lama gaarsiinayo cid kale ama hay’ada iyada oo adiga aan lagaa helin ogolaasho qoraal ah (ama marka ay ku haboon tahay, waalidkaa) Haddii aysan aheyn meelaha sharciga gobolka ama kan federaalku ogol yahay.

Diiwaanka Xarumaha Caafimaadka ee Dugsiga waa kuwo ka baxsan diiwaanka waxbarashada ee dugsiga. Marka aad ka baxdo dugsiga sare, diiwaankaaga meel baa lagu keydinayaa meel xiran sida uu dhigayo sharcigu.

Waa maxay xuquuqda aad leedahay marka aad nala wadaageysa macluumaadka?

Waxa aad xaq u leedahay in aad diido in aad noo soo gudbiso macluumaadka aad kaa codsano. Hase yeeshee, diidmada aad diido in aad nala wadaagto taariikhdaada caafimaadka iyo macluumaadka kale waxa ay xadideysaa awoodda aad kuu qaban karno daryeel tayo sare leh taasoo saameyn dadban ku yeelan karta daaweynta ama in aan lagu daaweyn gebi ahaanba.

Qiritaanka In Lagu Soo Gaarsiiyey Ogeysiiska Qarsoodi Ka Dhigista Macluumaadka

Ogeysiiska Qarsoodi Ka Dhigista Macluumaadka waxa aad ka heleysaan macluumaad ku saabsan sida xarunta caafimaadku ugu adeegsaneyso macluumaadkaaga daaweyntaada, bixinta kharashka iyo hawlaha xarunta. Ogeysiiska oo waraaq ku daabacan waxa aad ka heli kartaa Xarumaha caafimaadka ee Dugsiyada ama bogeena internetka: <https://www.minneapolisnmn.gov/sbc>.

Waxaa aan cadeynayaa in la i siiyey nuqul ka mid ah Qarsoodi Ka Dhigista Macluumaadka ee xarumaha Caafimaadka ee Dugsiyada.

Magaca Ardayga oo sadexan

Saxiixa Ardayga

Taariikh